

水經注匯校

地710.1  
886  
:10





水經注匯校卷三十九

江西新城楊希閔

後魏 鄺道元



滙水 深水 鍾水 耒水

洙水 漉水 瀏水 澗水

贛水 廬江水

滙水出桂陽縣盧聚

水出桂陽縣西北上驛山盧溪為盧溪水東南流逕桂陽

縣故城謂之滙水地理志曰滙水出桂陽南至四會是也

案滙今漢書桂陽下訛作匯惟含滙不誤師古曰滙音匡滙水又東南流嶠水注之水

出都嶠之溪溪水下流歷峽南出是峽謂之貞女峽峽西

岸高巖名貞女山山下際有石如人形高七尺狀如女子

水經注匯校卷三十九

一

故名貞女峽古來相傳有數女取螺于此遇風雨晝晦忽化為石斯誠巨異難以聞信但啓生石中摯呱空桑抑斯類矣物之變化甯以理求乎溪水又合滙水滙水又東南入陽山縣右合漣口水源出縣西北百一十里石塘村東南流水側有豫章木本徑可二丈其株根猶存代之積載而斧跡若新羽族飛翔不息其旁眾枝飛散遠集鄉亦不測所如惟見一枝獨在含滙水矣漣水東南流注于滙滙水又東南流而右與斟水合水導源近出東巖下穴口若井一日之中十溢十竭信若潮流而注滙水滙水又南逕陽山縣故城西耆舊傳曰往昔縣長臨縣輒遷擢超級太史逕觀言勢使然掘斷連岡流血成川城因傾陲遂即傾



敗閣下大鼓飛上臨武乃之桂陽追號聖鼓自陽山達乎桂陽之武步驛所至循聖鼓道也其道如塹迄乎鼓城矣。漚水又逕陽山縣南縣故含漚縣之桃鄉孫皓分立爲縣也漚水又東南流也。

東南過含漚縣

應劭曰漚水東北入沅瓚注漢書沅在武陵去漚遠又隔湘水不得入沅何云當亦入湘漚水東南左合翁水水出東北利山湖湖水廣圓五里潔踰凡水西南流注于漚謂之翁水口口已下東岸有聖鼓杖即陽山之鼓杖也橫在川側雖衝波所激未嘗移動百鳥翔鳴莫有萃者船人上下以篙撞者輒有瘡疾漚水又東南左合陶水水東出堯山山盤

水經注匯校 卷二十九

二

紆數百里有赭岳迭起冠以青林與雲霞亂采山上有白石英山下有平陵有大堂基耆舊云堯行宮所陶水西逕縣北右注漚水漚水又逕含漚縣西王歆始興記曰縣有白鹿城城南有白鹿岡咸康中郡民張魴爲縣有善政白鹿來游故城及岡竝即名焉。

南出漚浦關爲桂水案此與鍾水注內之桂水同名而南北異流

關在中宿縣漚水出關右合漆水謂之漚口山海經謂之漚水徐廣曰漚水一名漚水出桂陽通四會亦曰漚水也漢武帝元鼎元年路博德爲伏波將軍征南越出桂陽下漚水即此水矣桂水其別名也

深水出桂陽廬聚



呂忱曰深水一名邃水導源盧溪西入營水亂流營波同注湘津許慎云深水出桂陽南平縣也經書桂陽者縣本隸桂陽郡後割屬始興縣有盧溪盧聚山在南平縣之南九疑山東也

西北過零陵營道縣南又西北過營浦縣南又西北過泉陵縣西北七里至燕室邪入于湘

水上有燕室丘亦因為聚名也其下水深不測號曰龍淵鍾水出桂陽南平縣都山北過其縣東又東北過宋渚亭又北過鍾亭與灌水合

都山卽都龐之嶠五嶺之第三嶺也鍾水卽嶠水也庾仲初曰嶠水南入始興漆水注于海北入桂陽湘水注于江

水經注匯校

卷三十九

三

是也灌水卽桂水也灌桂聲相近故字隨讀變經仍其非矣桂水出桂陽縣北界山山壁高聳三面特峻石泉懸注瀑布而下北逕南平縣而東北流屈鍾亭石會鍾水通爲桂水也

又北過魏甯縣之東

魏甯故陽安也晉太康元年改曰晉甯縣在桂陽郡東百二十里縣南西二面阻帶清溪桂水無出縣東理蓋縣邑流移今古不同故也

又北入于湘

案此五字近刻與上經文連接又下有東字

耒水出桂陽郴縣南山

耒水發源出汝城縣東烏龍白騎山西北流逕其縣北西



流三十里中有十四瀨各數百步濬流奔急竹節相次亦  
為行旅滂涉之艱難也又西北逕晉甯縣北又西左合清  
溪水口水出縣東黃皮山西南流歷縣南又西北注于耒  
水汝城縣在郡東三百餘里山又在縣東耒水無出南山  
理也

又北過其縣之西

縣有淶水出縣東俠公山西北流而南屈注于耒謂之程  
鄉溪郡置酒官醞于山下名曰程酒獻同鄙也何云所謂  
即程也耒水又西黃水注之水出縣西黃岑山山則騎田之  
嶠五嶺之第二嶺也黃水東北流按盛弘之云眾山水出  
注于六溪號曰橫流溪溪水甚小冬夏不乾俗亦謂之為

水經注匯校

卷二十九

四

貪泉飲者輒冒于財賄同于廣州石門貪流矣廉介為二  
千石則不飲之昔吳隱之過而不亂貪豈謂能淪其貞乎  
蓋亦惡其名也劉澄之謂為一涯溪通四會殊為孟浪而  
不悉也庾仲初云嶠水南入始興淶水注海即黃岑水入  
武溪者也北水入桂陽湘水注于大江即是水也右則千  
秋水注之水出西南萬歲山山有石室室中有鍾乳山上  
悉生靈芝木溪下即千秋水也水側民居號萬歲村其水  
下合黃水黃水又東北逕其縣東右合除泉水水出縣南  
湖陂村村有圓水廣圓可二百步一邊暖一邊冷冷處極  
清淶缺淺則見石深則見底暖處水白且濁立素既殊涼  
暖亦異厥名除泉其猶江乘之半湯泉也朱箋江乘地記  
云縣東南三十



五里半冷半温共同一壑謂之半湯泉 水盛則瀉黃溪水耗則津徑輟流柳舊縣也桂陽郡治也漢高帝二年分長沙置地理志曰桂水所出因以名也王莽更名南平縣曰宣風項羽遷義帝所築也縣南有義帝冢內有石虎因呼爲白虎郡東觀漢記曰茨充字子河爲桂陽太守民情懶少麤履足多剖裂茨教作履今江南知織履皆充之教也黃溪東有馬嶺山高六百餘丈廣圓四十許里漢末有郡民蘇耽栖遊此山桂陽列仙傳云耽郴縣人少孤養母至孝言語虛無時人謂之癡常與衆兒共牧牛更直爲帥錄牛無散每至耽爲帥牛輒徘徊左右不逐自還衆兒曰汝直牛何道不走耶耽曰非汝曹所知卽面辭母云受性應仙當違供養涕泗

水經注匯校

卷三十九

五

又說年將大疫死者畧半穿一井飲水可得無恙如有哭聲甚哀後見耽乘白馬還此山中百姓爲立壇祠民安歲登民因名爲馬嶺山黃水又北流注于耒水謂之柳口耒水又西逕華山之陰亦曰華石山孤峙特聳枕帶雙流東則黃溪耒水之交會也耒水東流沿注不得北過其縣西也兩岸連山石泉懸溜行者輒徘徊留念情不極已也又北過便縣之西

縣故惠帝封長沙王子吳淺爲侯國王莽之便屏也縣界有温泉水在郴縣之西北左右有田數千畝資之以溉常以十二月下種明年三月穀熟度此水冷不能生苗温水所溉年可三登其餘波散流入于耒水也



又西北過耒陽縣之東

耒陽舊縣也蓋因水以制名王莽更名南平亭東傍耒水水東肥南有郡故城縣有溪水東出侯計山其水清澈冬溫夏冷西流謂之肥川川之北有盧塘塘池八頃其深不測有大魚常至五月輒一奮躍水湧數丈波襄四陸細魚奔迸隨水登岸不可勝計又云大魚將欲鼓作諸魚皆浮聚水側川水西注耒水閱案舊脫川水及耒水閱案二本西北逕蔡洲洲西即蔡倫故宅傍有蔡子池倫漢黃門和帝之世閱案舊作順帝官本何戴趙諸本因之沈氏大成云後漢書宦者蔡倫造紙元興元年奏上之元興乃和帝之改元倫于安帝親政時已飲藥而死矣安得至順帝世猶存乎酈氏註誤今改正閱案此說是今依之擣故魚網為紙用代簡素自其始也

水經注匯校 卷三十九

六

又北過酈縣東

縣有酈湖湖中有洲洲上民居彼人資以給釀酒甚醇美謂之酈酒歲常貢之湖邊尚有酈縣故治西北去臨承縣十五里從省隸案宋太元二十年省酈縣入酈承此三字上當有脫文十三州志曰大別水南出耒陽縣太山北至酈縣入湖也

北入于湖

耒水西北至臨承縣而右注湖水謂之耒口也

泚水出茶陵縣上鄉西北過其縣西

水出江州安成郡廣興縣太平山西北流太平山下戴本據名勝志引此增多三十六字云泉不常見遇邑政清明年穀豐稔其泉漸然如米泔暴涌者舊相傳疾者飲此多愈泚水導源下接西北流云云趙云名勝志多三十餘字按今酈縣本漢茶陵縣地宋嘉定四年置非漢之酈縣也 閱案趙說



甚細今錄戴逵茶陵縣之南元朔四年封長沙定王子節  
校于此存參侯訢之邑也王莽更名聲鄉矣涿水又屈而過其縣西北  
流注也地理志謂之泥水者也

又西北過攸縣南

攸水出東南安成郡安復縣封侯山西北流逕其縣北縣  
北帶攸溪蓋卽溪以名縣也漢武帝元朔四年封長沙定  
王子則爲攸興侯卽地理志所謂攸縣者也攸水又西南  
流入茶陵縣入于涿水也

又西北過陰山縣南

縣本陽山縣也縣東北猶有陽山故城卽長沙孝王子宗  
之邑也言其勢王故塹山堙谷改曰陰山縣縣上有容水

水經注匯校

卷三十九

七

自侯曇山下注涿水謂之容口山有大穴

閔案官本何趙本均作水有大

穴惟戴本作山有大穴山字是也今依之

容一百石水出于此因以名焉涿水

又西北逕其縣東又西逕歷口縣有歷水下注涿謂之歷

口涿水又西北與洋湖水會水出縣西北樂藪岡下洋湖

湖去岡七里湖水下注涿謂之洋湖口涿水東北有莪山

縣東北又有武陽龍尾山竝仙者羽化之處上有仙人及

龍馬跡于其處得遺詠雖神栖白雲屬想芳流藉念泉鄉

遺詠在茲覽其餘誦依然息遠匪直遐想霜蹤愛其文詠

可念故端牘抽札以詮其詠其畧曰登武陽觀樂藪峩嶺

千蕤洋湖口命蜚螭駕白駒臨天水心踟躕千載後不知

如蓋勝賞神鄉秀情超拔矣



又西北入于湘

漉水出醴陵縣東漉山西過其縣南

醴陵縣高后四年封長沙相侯越為國縣南臨淶水水東出安城鄉翁陵山余謂漉淶聲相近後人藉便以淶為稱雖翁陵名異而即麓是同

屈從縣西南北流至漉浦注入于湘

瀏水出臨湘縣東南瀏陽縣西北過其縣東北與澇水合

瀏水出縣東江州豫章縣首裨山導源西北流逕其縣南縣憑溪以即名也又西北注于臨湘縣也

西入于湘

澗水出豫章艾縣

水經注匯校

卷二十九

八

春秋左氏傳曰吳公子慶忌諫夫差不納居于艾是也王莽更名治翰

西過長沙羅縣西

羅子自枝江徙此世猶謂之為羅侯城也澗水又西流積而為陂謂之町湖也

又西至累石山入于湘水

累石山在北亦謂之五木山山方尖如五木狀故俗人藉以名之山在羅口北澗水又在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤西也班



固稱南野縣彭水所發東入湖漢水庾仲初謂大庾嶠水北入豫章注于江者也地理志曰豫章水出贛縣西南而北入江蓋控引眾流總成一川雖稱謂有殊言歸一水矣故後漢郡國志曰贛有豫章水雷次宗云似因此水爲其地名雖十川均流而此源最遠故獨受名焉劉澄之曰縣東南有章水西有貢水縣治二水之間二水合贛字因以名縣焉是爲謬也劉氏專以字說水而不知遠失其實矣豫章水導源東北流逕南野縣北贛川石阻水急行難傾波委注六十餘里又北逕贛縣東縣卽南康郡治晉太康五年分廬江立豫章水右會湖漢水水出雩都縣導源西北流逕金雞石其石孤竦臨川耆老云時見金雞出于石

水經注匯校

卷五十九

九

上故石取名焉湖漢水又西北逕贛縣東西入豫章水也又西北過廬陵西

廬陵縣卽王莽之桓亭也十三州志稱廬水西出長沙安成縣武帝元光六年封長沙定王子劉蒼爲侯國卽王莽之用成也吳寶鼎中立以爲安成郡東至廬陵入湖漢水也

又東北過石陽縣西

漢和帝永平九年分廬陵立漢獻帝初平二年吳長沙桓王立廬陵郡治此豫章水又逕其郡南城中有井其水色半清半黃黃者如灰汁取作飲粥悉皆金色而甚芬香

又東北過漢平縣南又東北過新淦縣西

趙云後漢中平中立漢平縣吳改曰



吳平此亦經  
文晚出之證

牽水西出宜春縣漢武帝元光六年封長沙定王子劉成  
為侯國王莽之修曉也牽水又東逕吳平縣舊漢平也晉  
太康元年改為吳平矣牽水又東逕新淦縣即王莽之偶  
亭而注于豫章水湖漢及贛竝通稱也又淦水出其縣下  
注于贛水

又北過南昌縣西

盱水出南城縣西北流逕南昌縣南西注贛水又有濁水  
注之水出康樂縣故陽樂也濁水又東逕望蔡縣縣因汝  
南上蔡民萍居此土晉太康元年改為望蔡縣濁水又東  
逕建成縣漢武帝元光四年

沈氏云按本表是元朔

封長沙定王子

水經注匯校

卷三九

十

劉拾為侯國王莽更名之曰多聚也縣出燃石異物志曰  
石色黃白而理疎以水灌之便熱以鼎著其上炊足以熟  
置之則冷灌之則熱如此無窮元康中雷孔章入洛賞石  
以示張公張公曰此謂燃石于是乃知其名濁水又東至  
南昌縣東流入于贛水贛水又歷白社西有徐孺子墓吳  
嘉禾中太守長沙徐熙于墓隧種松太守南陽謝景于墓  
側立碑永安中太守梁郡夏侯嵩于碑傍立思賢亭松大  
合抱亭世修治至今謂之聘君亭也贛水又北歷南塘塘  
之東有孺子宅際湖南小洲上孺子名穉南昌人高尚不  
仕太尉黃瓊辟不就桓帝問尚書令陳蕃徐穉袁閎誰為  
先後蕃答稱袁生公族不饒自雕至于徐穉傑出薄域故



宜爲先。桓帝備禮徵之，不至。太原郭林宗有母憂，穉往弔之。置生芻於廬前而去，衆不知其故。林宗曰：「必孺子也。」詩云：「生芻一束，其人如玉。吾無德以堪之。」年七十二卒。贛水又逕谷鹿洲，卽蓼子洲也。舊作大鵬處。贛水又北逕南昌縣故城西。于春秋屬楚，卽令尹子蕩師于豫章者也。秦以爲廬江南部。漢高祖六年，始命陳嬰以爲豫章郡。治此，卽陳嬰所築也。案陳嬰原本及近刻並訛作灌嬰，今改正。史記高祖功臣侯年表稱堂邑侯陳嬰，定豫章漢書同。王莽更名縣曰宜善，郡曰九江焉。劉歆云：「湖漢等九水入彭蠡，故言九江矣。」陳蕃爲太守，署徐穉爲功曹。蕃在郡，不接賓客，惟穉來，特設一榻，去則懸之。此卽懸榻處也。建安中，更名西安。晉又名爲豫章城之南門曰松陽門。

水經注匯校

卷三九

十一

內有樟樹，高七丈五尺，大二十五圍，枝葉扶疎，垂蔭數畝。應劭漢官儀曰：「豫章樟樹生庭中，故以名郡矣。此樹嘗中枯，逮晉永嘉中，一旦更茂，豐蔚如初，咸以爲中宗之祥也。禮斗威儀曰：「君政訟平，豫章常爲生。」大興中，元皇果興大業于南，故郭景純南郊賦云：「弊樟擢秀于祖邑，是也。」以宣王祖爲豫章故也。朱箋晉書宣帝曾祖量，字公度，官豫章太守。贛水北出，際西北，歷度支步，是晉度支校尉立府處。步卽水渚也。贛水又逕郡北，爲津步，步有故守賈萌廟。萌與安侯張普爭地，爲普所害，卽曰靈見津渚，故民爲立廟焉。全云賈萌事謝承死，又引安成記，謂與張普爭地而死，攷之漢書王莽傳，則是爲莽。九江太守拒漢而死，其亦異矣。豈同時先後之間，有二賈萌，又皆爲南昌牧守耶？趙云按寰宇記，洪州南昌縣龍沙廟，卽西漢末太守賈萌也。萌與安成侯張普共



謀誅王莽普反告莽收萌而殺之時人咸歎故  
為立廟祭之事更詳核可與班書參異同也 水之西岸  
有盤石謂之石頭津步之處也西行二十里曰厭原山疊  
嶂四周杳邃有趣晉隆安末沙門竺曇顯建精舍于山南  
僧徒自遠而至者相繼焉西北五六里有洪井飛流懸注  
其深無底舊說洪崖先生之井也北五六里有風雨池言  
山高瀨激激著樹木霏散遠灑若雨西有鸞岡洪崖先生  
乘鸞所憩泊也岡西有鵠嶺云王子喬控鵠所逕過也有  
二崖號曰大蕭小蕭言蕭史所遊萃處也雷次宗云此乃  
繫風捕影之論據實本所未辨聊記奇聞以廣井魚之聽  
矣又按謝莊詩莊常遊豫章觀井賦詩言鸞岡四周有水  
謂之鸞陂似非虛論矣東大湖十里二百二十六步北與

城齊南緣迴折至南塘本通章江增減與江水同漢永元  
中太守張躬築塘以通南路兼遏此水冬夏不增減水至  
清深魚甚肥美每于夏月江水溢塘而過民居多被水害  
至宋景平元年太守蔡君西起堤開塘為水門水盛旱則  
閉之內多則洩之自是居民少患矣贛水又東北逕王步  
步側有城云是孫奮為齊王鎮此城之今謂之王步蓋齊  
王之渚步也郡東南二十餘里又有一城號曰齊王城築  
道相通蓋其離宮也贛水又北逕南昌左尉廨西漢成帝  
時九江梅福為南昌尉居此後福一旦捨妻子去九江傳  
云得仙趙云九江六贛水又北逕龍沙西沙甚潔白高峻  
而陲有龍形連亘五里中舊俗九月九日升高處也昔有



人於此沙得故冢刻碑題云西去江七里半筮言其吉卜言其凶而今此冢垂沒于水所謂筮短龜長也贛水又逕椒丘城下建安四年孫策所築也贛水又歷釣圻邸閣下度支校尉治太尉陶侃移置此也舊夏月邸閣前洲沒去浦遠景平元年校尉豫章因運出之力于渚次聚石爲洲長六十餘丈洲裏可容數十舫贛水又北逕鄖陽縣王莽之豫章縣也餘水注之水東出餘汗縣王莽名之曰治干也餘水北至鄖陽縣注贛水贛水又與鄱水合水出鄱陽東西逕其縣南武陽鄉也地有黃金采王莽改曰鄉亭孫權以建安十五年分爲鄱陽郡鄱水又西流注于贛又有繚水入焉其水導源建昌縣漢元帝永光二年分海昏立

水經注匯校

卷三十九

三

繚水東逕新吳縣漢中平中立繚水又逕海昏縣王莽更名宜生謂之上繚水又謂之海昏江分爲二水縣東津上有亭爲濟渡之要其水東北逕昌邑城而東出豫章大江謂之慨口昔漢昌邑王之封海昏也每乘流東望輒憤慨而還世因名焉其一水枝分別注入于循水也

又北過彭澤縣西

脩水出艾縣西

閱案脩舊作循戴本據漢志改今依之

東北逕豫甯縣故西

安也晉太康元年更從今名循水又東北逕永循縣漢靈帝中平二年立循水又東北注贛水其水總納十川同臻一瀆俱注于彭蠡也

北入于江



大江南贛水總納洪流東西四十里清潭遠漲綠波凝淨而會注于江川

廬江水出三天子都北過彭澤西北入于江

山海經三天子都一曰天子鄣王彪之廬山賦敘曰廬山彭澤之山也雖非五嶽之數穹隆嵯峩實峻極之名山也孫放廬山賦曰尋陽郡南有廬山九江之鎮也臨彭蠡之澤接平敞之原開山圖曰山四方周四百餘里豐鄣之巖萬仞懷靈抱異苞諸仙迹豫章舊志曰廬俗字君孝本姓匡父東野王共鄱陽令吳芮佐漢定天下而亡漢封俗于鄣陽曰越廬君俗兄弟七人皆好道術遂寓精于宮亭之山故世謂之廬山漢武帝南巡觀山以爲神靈封俗大明

水經注匯校

卷三九

四

公遠法師廬山記曰殷周之際匡俗先生受道仙人共遊此山時人謂其所止爲神仙之廬因以名山矣又按周景式曰廬山匡俗字子孝本東里子出周武王時生而神靈屢逃徵聘廬于此山時人敬事之俗後仙化空廬猶存弟子觀室悲哀哭之旦暮事同烏號世稱廬君故山取號焉斯耳傳之談非實證也故豫章記以廬爲姓因廬以氏周氏遠師或託廬慕爲辭假憑廬以託稱二證旣違二情互爽按山海經創之大禹記錄遠矣故海內東經曰廬江出三天子都入江彭澤西是曰廬江之名山水相依互舉殊稱明不因匡俗始正是好事君子強引此類用成章句耳又按張華博物志曹著傳其神自云姓徐受封廬山後吳



猛經過山神迎猛猛語曰君王此山近六百年符命已盡不宜久居非據猛又贈詩云仰矚列仙館俯察王神宅曠載暢幽懷傾蓋付三益此乃神道之事亦有換轉理難詳矣吳猛隱山得道者也尋陽記曰廬山上有三石梁長數十丈廣不盈尺杳然無底吳猛將弟子登山過此梁見一翁坐桂樹下以玉杯承甘露漿與猛又至一處見數人爲猛設玉膏猛弟子竊一寶欲以來示世人梁卽化如指猛使送寶還手牽弟子令閉眼相引而過其山川明淨風澤清曠氣爽節和土沃民逸嘉遯之士繼響窟巖龍潛鳳采之賢往者忘歸矣秦始皇漢武帝及太史公司馬遷咸升其巖望九江而眺鍾彭焉趙云鍾彭謂石鍾山彭蠡澤也今注無石鍾山之文而唐時李

水經注匯校

卷三十九

五

渤作記尙引水經并酈注其爲缺失無疑也又案李渤記引水經云彭蠡之口有石鍾山酈道元以爲下臨深潭微風鼓浪水石相搏響若洪鍾因受其稱廬山之北有石門水水出嶺端有雙石高竦其狀若門因有石門之目焉水導雙石之中懸流飛瀑近三百許步下散漫十許步上望之連天若曳飛練于霄中矣下有磐石可坐數十人冠軍將軍劉敬宣每登陟焉其水歷澗逕龍泉精舍南太元中沙門釋慧遠所建也其水下入江南嶺卽彭蠡澤西天子鄣也峯隘險峻人跡罕及嶺南有大道順山而下有若畫焉傳云匡先生所通至江道巖上有宮殿故基者三以次而上最上者極于山峯山下又有神廟號曰宮亭廟故彭湖亦有宮亭之稱焉余按爾雅云大山曰宮何云爾雅以大山宮小山爲句道元蓋誤趙云此解誠誤然



卷末禹貢山水澤地所在霍山爲南嶽注引爾雅作大宮山宮小山曰霍則彼文仍是莫謂道元眞誤讀經也宮之爲名蓋起于此不必一由三宮也山廟甚神能分風擘流住舟遣使行旅之人過必敬祀而後得去故曹毗詠云分風爲貳擘流爲兩昔吳郡太守張公直自守徵還道由廬山子女觀祠婢指女戲妃像人其妻夜夢致聘怖而遽發明引中流而船不行合船驚懼曰愛一女而合門受禍也公直不忍遂令妻下女于江其妻布席水上以其亡兒女代之而船得進公直方知兒女怒妻曰吾何面目于當世也復下已女于水中將渡遙見二女于岸側傍有一吏立曰吾廬君主簿敬君之義悉還二女故于寶書之于感應焉

趙云于寶抄神記張璞字公直不知何許人也爲吳郡太守

山東有石鏡照水之

水經注匯校

卷三九

去

所出有一圓石懸崖明淨照見人形晨光初散則延曜入石豪細必察故名石鏡焉又有二泉常懸注若白雲帶山廬山記曰白水在黃龍南卽瀑布也水出山腹挂流三四百丈飛湍林表望若懸素注處悉成巨井其深不測其水下入江淵廬山之南有上霄石高壁緬然與霄漢連接秦始皇三十六年歎斯岳遠遊記爲上霄焉上霄之南大禹刻石誌其丈尺里數今猶得刻石之號焉湖中有落星石周迴百餘步高五丈上生竹木傳曰有星墜此因以名焉又有孤石介立大湖中周迴一里竦立百丈轟然高峻特爲瓌異上生林木而飛禽罕集言其上有玉膏可採所未詳也耆舊云昔禹治洪水至此刻石紀功或言秦始皇所



勒然歲已久莫能辨之也

閱案官本辨上多一合字戴趙本仍舊今依之

水經注匯校卷二十九終

水經注匯校

卷二十九

七